

乾

象

通

鑑

乾象通鑑卷第二十一

河間府免解進士 臣李李奉

聖旨編

太微垣星論

太微垣星總序

月犯太微 并月暈月蝕

歲星犯太微

熒惑犯太微

鎮星犯太微

太白犯太微

辰星犯太微

客星犯太微

彗星犯太微

孛星犯太微

流星犯太微

雲氣犯太微

太微垣星總序

傳曰太微垣十星在翼軫北天子廷也五常之座也
十二諸侯府也其外蕃九卿也一曰太微爲衡衡
主平也又爲天廷理法平辭監計授德列宿受符
諸神考節舒情稽疑也南蕃中二星間曰端門東
曰左執法廷尉之象也西曰右執法御史大夫之
象也執法所以舉刺凶姦者也左執法之東左掖
門也右執法之西右掖門也東蕃四星南第一星
曰上相其北東太陽門也第二星曰次相其北中
東華門也第三星曰次將其北東太陰門也第四

星曰上將所謂四輔也西蕃四星南第一星曰上
將其西北太陽門也第二星曰次將其北中華西
門也第三星曰次相其北西太陰門也第四星曰
上相亦曰四輔也東西蕃有芒及動搖者諸侯謀
執法移則刑法尤急月五星入太微軌道吉其所
犯名之中座成形晉灼曰中座犯帝座也
成形禍福之形見也

河圖帝覽嬉曰太微東西蕃有芒諸侯有來謀天子
者

論語讖曰執法星移刑法急

焦延壽曰太微東西蕃動搖皆爲大臣謀上

天官書曰南宮朱鳥權衡

孟康曰軒轅為權太微為衡

衡太微三

光之廷匡衛十二星蕃臣西將東相南四星執法
中端門門左右掖門月五星順入軌道司其出所
守天子所誅也其逆入若以所犯命之中座成形
皆群下從謀也金火尤甚

河圖遺書曰太微垣西蕃星坼則上相有憂亦曰輔
臣惡之東蕃星坼則大將有憂亦曰有死將太微
垣星動搖則大臣有陰謀又曰大將軍有叛志太
微東西垣就聚則大臣爭權有內變色白有篡謀
大臣遠期三年近期一年

陳卓叙占曰太微垣十星一星亡則各以其所職命之假令東蕃上相星亡則上相有憂亡旬日則上相被黜亦曰有逐相十星俱亡則天子輔臣皆有叛謀不及旬則大臣有離心離德

石申曰太微垣十星亦東西蕃各五星天子之官五帝之座十二諸侯九卿之府東西蕃曲則輔臣離星明大則弼臣逆主

月犯并月暈太微

月蝕附

天文錄曰月道太微宮政令不行

荊州占曰月行太微中貴者失勢必奪權若所中成

形以官命之

郝萌曰月入太微中君弱臣彊四夷兵不制有姦人來聽伺主之廷者一曰有喪

荊州占曰月入太微中東出太臣出命入中華門西出右掖門有叛臣

海中占曰月犯左右執法將相有免者期三年

武密曰月犯太微中后族擅權一曰月入太微中華東西門左右掖門而西南出端門者皆爲首叛臣君憂若入西門出東門君憂不安大臣假主之威不從王命一曰月出東掖門爲相受命東門出德

事也出西掖門爲將受命西門出刑事也一曰月以春入西門出東門皆爲人君不安欲求賢佐入中華西門出中華東門爲臣出令一曰月犯太微廷宜求賢人

石申曰月中犯乘守四輔爲臣失禮輔臣有誅

河圖帝覽嬉曰月犯左右執法皆爲大臣有憂

荊州占曰月暈太微廷天子以兵自衛

郊萌曰月一月三暈太微有赦

武密曰月蝕太微廷大臣憂王者惡之

河圖遺書曰月犯太微廷不由端門入是謂失行疾

則女主有憂行遲則大臣受辱又曰月暈太微廷
周匝不啓門中有黑氣蔽覆則天子有憂亦曰國
有大喪

海上通占曰月蝕太微廷近東西蕃則將相有憂近
三公九卿則群臣受禍近帝座則天子惡之

古今星釋曰月蝕旣在太微廷則天子失位天下更王
京房外傳曰白虹貫月犯太微廷則天子無出宮亦

曰宮中有匿謀

大象旁通曰月暈三重周太微廷則王者憂後宮有
變人臣有離心

天文別錄曰月暈七重周太微廷則王者憂兵起禁
衛大臣有逆謀

張平子通例曰月蝕太微廷不盡則大臣擅權后族
干政月蝕盡則天子有兵憂大臣叛上

宋孝文帝元嘉三年二月月犯東蕃第一星後三年
廢大將軍彭城王義康

宋孝武帝大明三年正月月犯太微次將星占曰有
反臣次將誅其年南兗州刺史竟陵王誕尋據廣
陵群反遣車騎大將軍沈度之領羽林兵討之

晉穆帝永和六年八月辛卯月犯太微垣左執法占

曰將相憂是歲司徒蔡謨免爲庶人

五

晉升平五年五月壬寅月犯太微占曰大臣相謀是時殷浩敗績卒致遷徙

晉安帝義熙元年三月壬辰月奄左執法占曰上相死至四年正月太保武陵王遵崩三月右僕射孔安國卒自後政在劉裕人主端拱而已

晉義熙十四年五月庚子月犯太微垣占曰爲兵喪又曰大臣憂宗廟改又曰爲內變是時劉裕擅命軍旅數興其後卒移晉室

晉安帝隆安二年閏月丁丑月犯東蕃上相三年五

月辛酉月又奄東蕃上相二年九月庾楷等舉兵
表誅王愉等於是內外戒嚴三年六月洛陽没于
寇桓玄破荊雍州殺殷仲堪等孫恩聚衆攻沒會
稽殺內史

唐敬宗寶曆三年九月丙戌月犯右執法大臣憂至
十月甲子三司鞠武昭獄得實武昭及第宜付京
兆決殺

歲星犯太微

天文錄曰歲星入太微宮天下有喜有赦

司馬彪曰歲星犯太微垣人主改

陳卓叙占曰歲星犯太微左右執法將相執法臣有
憂若死亡期一年

春秋保乾圖曰大臣擅命則歲星犯執法

武容曰歲星入天廷色白潤澤期八十日有赦若入
東門天下有急兵若守將相左右執法憲臣有死
者若入端門守天廷大禍至一曰入南門出東門
國大旱若入南門逆出西門國有大喪若逆行入
東門出西門大國破亡若順入西蕃而留不出楚

國憂

古今星釋曰歲星逆行失度又失本色有芒角乍東

下西犯太微垣則天子有大憂兵喪並至謀臣叛
主有篡奪之禍

陳卓叙占曰歲星犯左執法歲星又犯右執法則弼
臣受誅亦曰大臣惡之若犯守上次相則宰臣逐
遠方若犯守上次將相則大將野死若歲星出入
不循軌度及端門則大臣擅權女主干政

一行游儀後論曰歲星犯守太微色黃潤不動者天
下安靜期五十日有德音若色青黑赤及有芒角
不定者天下有更主

河圖遺書曰歲星犯太微廷出四角下東下西下南

乍北不定若風燈其下有走君又曰臣下將弑君
則歲守太微而出四角又曰歲星變色而犯天子
廷則天子惡之若黃潤不變色而無光角循軌而
行天子有德以福天下

漢哀帝元壽元年十一月歲星入太微逆行于右執
法占曰大臣有憂執法者誅若有罪二年十月戊
寅高安侯董賢免大司馬位歸第自殺

後漢順帝漢安元年二月壬午歲星在太微中太微
天子廷歲星犯之大人忌明年八月帝崩

魏文帝黃初五年十月乙卯歲星入太微逆行一百

四十九日乃出占曰五星逆太微從右入三十日
以上主有憂一曰有赦至七年五月帝崩明帝即
位天下大赦

後周孝閔帝元年五月癸卯歲星犯太微上將星占
曰太微為天廷歲星犯上將主將有憂時帝性剛
果見晉公護執法深忌之護遂謀立遣大司馬賀
蘭祥逼帝遜位出于舊邸月餘以弒崩

周武帝天和四年二月戊辰歲星逆行奄太微上將
星至四月丁巳柱國吳公尉遲綱薨八月庚辰盜
賊孔城方主以其地入齊

後周靜帝大定元年正月乙酉歲星逆行守右執法
五月甲子帝遜位于隋

熒惑犯太微

天文別錄曰熒惑星常以十月十一月入太微廷受
制而出行列宿伺無道之國罰無道之君失禮之
臣若守三司必有赦

井德曰熒惑入太微廷臣欲殺主一曰有立王

却萌曰熒惑入太微宮其色白無芒天下饑若犯太
微中天下不安若退行不止有大獄若當道而成
鉤已者天下更紀一曰熒惑入天廷在屏星南出

左掖門左將死出右抵門右將死若直出端門無咎
巫咸曰熒惑犯太微門右大將死犯太微門左小將死
河圖帝覽嬉曰熒惑入太微凌犯留止為有兵

荊州占曰熒惑入太微二十日已上廷尉坐之

和萌曰熒惑入天廷中留十日已上有故

荊州占曰熒惑留太微中君子惡之又曰熒惑守太
微垣門之左廷尉有事若守太微垣門之右丞相

御史有事

春秋合誠圖曰熒惑入天廷中有逆臣歲饑一曰後

三年有喪

武密曰熒惑犯太微東南隅歲饑期一年若犯左右
執法大臣有憂若逆行入太微國不安一曰爲兵
喪王者惡之

古今星釋曰熒惑犯太微垣不由端門入及不循軌
道是謂逆犯熒惑逆犯天廷則王者有憂熒惑犯
上相次相宰臣受制疆梗悍夫熒惑犯上將次將
則大將軍爲亂軍戮犯太微垣之左則廷尉坐法
犯太微垣之右大臣受禍

大象旁通曰熒惑犯太微垣留二十日已上及芒角
則天下興大獄陷忠良罪加無辜又曰刑加無罪

大臣天下寃之則熒惑犯太微留舍久而不出忠
良亡佞臣祿

漢順帝永和三年八月己酉熒惑入太微占爲亂臣
在廷中是時大將軍梁商父子秉政其四年正月
祀南郊夕牲中常侍張逵等與中侍曹騰孟賁爭
權是其應

後漢靈帝光和五年四月熒惑在太微中守屏熒惑
入太微爲亂臣是時常中侍趙忠張讓郭勝孫璋
等並爲姦亂

後漢安帝延光二年八月己亥熒惑出太微端門爲

中宮有兵

晉惠帝元康三年四月熒惑牛太微六十日占曰諸侯三公謀其上必有斬臣一曰天子亡國後賈后陷殺太子

晉明帝太寧三年正月熒惑逆行入太微占曰為兵喪王者惡之閏八月帝崩後一年蘇峻反攻焚宮室太后以憂偪崩天子幽劫于石頭城

晉成帝咸寧四年五月戊戌熒惑犯右執法占曰大臣死執政者憂案占五災同金火尤甚五年七月丞相王導薨庾冰代輔政八月大尉郗鑒薨

晉成帝咸康六年四月丁丑熒惑犯左右執法占曰
執政者憂是時尚書今何充爲執法有譴欲避其
咎明年求爲中書令

晉穆帝永和七年六月丁丑熒惑入太微犯右執法
占曰大臣死其年劉顯殺石祗及諸將帥山東大亂
晉永和十二年九月戊寅熒惑入太微犯西蕃上將
星十一月丁丑熒惑犯太微東蕃上將星十二年
十一月齊城陷執段龕殺三千餘人

晉海西公太和六年閏月熒惑守太微端門占曰天
子亡又曰諸侯三公謀其上 一曰有斬臣十一月

相溫廢帝并奏誅武陵王簡文不許溫乃徙之新安皆臣彊之應也

晉簡文咸安元年十二月辛卯熒惑逆行入太微二年三月猶不退占曰國不安有憂是時帝有相溫之逼

晉孝武寧康元年九月癸巳熒惑入太微是時女至臨朝政事多闕

寧康三年九月戊申熒惑奄左執法者死太元二年十月尚書令王彪之卒

晉安帝元興三年正月熒惑逆行犯太微西上相占

曰天子戰于野上相死二月丙辰熒惑逆行在左
執法西北占曰執法者誅是月劉裕殺栢修等三
月己未破走栢玄遣軍西討辛巳誅左僕射王愉
栢玄劫天子如江陵五月亥下崢嶸洲義軍破滅
之栢振又攻沒江陵幽劫天子

晉義熙三年八月辛卯熒惑犯左執法執法者當之
四年三月左僕射孔安國卒

晉義熙十四年十月癸巳熒惑入太微犯南蕃上將
仍順行至左掖門內留二十日乃逆行至恭帝元
熙元年三月五日出西蕃上將西三尺許又順還

入太微時鎮星在太微熒惑統鎮星成鈞已其年
四月丙戌從端門出占曰與鎮星鈞已天廷天下
更紀十二月安帝冊弟瑯琊王踐祚是曰恭帝來
年禪于宋

魏文帝黃初六年五月壬戌熒惑入太微至壬申與
歲星相及俱犯右執法至癸酉乃出占曰從右入
三十日以上人主有憂又曰五星犯左右執法大
臣有憂一曰執法者誅金火尤甚十一月皇子東
武陽王鑿薨七年正月驃騎將軍曹洪爲庶人四
月征南大將軍夏侯尚薨五月帝崩

後周高祖保定二年二月壬寅熒惑犯太微上相星
三月壬午犯左執法上以天文屢變下詔曰樹立
元首君臨海內本乎宣明教化亭毒黔黎豈惟尊
貴其身侈富其位是以唐堯葛踈之衣麤糲之食
尚臨汾陽而來歎登姑射以興想况無聖人之德
而嗜欲過之何以克厭衆心處于尊位而朕甚惡
焉今巨寇未平軍戎費廣百姓空虛與誰爲足凡
是供朕衣服飲食四時所須爰及宮內調度朕今
首自減削縱不得煩行古人之道豈曰全無廢幾
凡爾百司安得不思省約助朕不逮者哉

後周靜帝大象元年九月甲午熒惑入太微占曰大
臣誅十月壬戌陳王純以怨執政被誅

隋煬帝大業元年六月甲子熒惑入太微占曰熒惑
爲賊亂入宮室中不安後征伐四方舉兵連年王
室漸衰

十三年十一月辛酉熒惑入太微占曰爲賊亂兵入
宮明年宇文化及兵犯宮闕

建德五年十月庚戌熒惑犯太微西蕃上將占曰天
下不安上將誅 六年二月皇太子巡撫西土
仍討吐浴渾八月至伏侯城而旋吐谷渾寇邊天

下不安之應也

唐太宗正觀十三年五月熒惑犯右執法時又早上
避正殿憲刑政未平令五品已上封事分使賑
卹申理冤屈乃雨

十五年二月十五日熒惑逆犯太微上相星占曰大
臣死至十七年正月太子太師鄭國公 薨

唐高宗永徽三年六月二日熒惑犯左執法占曰爲
亂兵至四年正月丙子駙馬都尉房遺愛荆王元
景王恪駙馬都尉薛萬徹柴令武等謀逆伏誅

唐文宗太和元年十一月辛未熒惑犯右執法西北

五寸二月宰相宋申錫漳王被誣得罪

後梁高祖開平二年四月辛丑熒惑犯太微上將星
占曰將有憂至是河東節度使李克用卒帝聞之
甚喜乃下詔以諭中外其略曰李克用纔行削奪
未逾歲而云亡皆憑天命之誅不假兵威之勢又
六月澤州刺史范居實以戎備不修伏誅

後唐莊宗同光二年八月丙寅夜熒惑犯太微上將
星占曰將有憂十一月壬寅尚書左丞崔所貶麟
州吏部侍郎崔貽孫貶朔中給事中鄭韜光貶寧

州

鎮星犯太微

天文錄曰鎮星入太微有德令

陳卓曰鎮星犯太微女主執政若逆行犯左右執法
四輔若還繞守之所中者有憂若死亡期一年

石申曰鎮星守太微其下國破

荊州占曰鎮星中犯守左右執法執法者有罪若入
天廷大臣憂

武密曰鎮星出太微東南爲德事出太微西南爲刑
事若久留七十日以上君憂之又曰鎮星守西蕃
王者有憂

古今星釋曰鎮星入太微垣色黃潤而明則天子有德令以及天下百姓安若色變行入垣中則王者憂弼臣有匿謀又曰諸侯將叛則土入太微

河圖遺書曰鎮星逆犯太微垣東蕃則大臣有奇禍犯太微垣西蕃則將相有私隙國家受殃

陳卓叙占曰鎮星若行不循軌失常色犯太微垣則天子反受制于彊臣若色黑光芒則天下大饑人相食赤地千里

晉惠帝永寧元年八月戊午鎮星犯左執法又犯上相占曰上相憂初齊王固定京都因留輔政遂專

傲無君二年四月成都河間傲長沙王又討之固
又交戰攻焚宮闕回兵敗夷滅

晉康帝升平五年正月乙巳鎮星逆行犯太微占曰
大臣相謀是時救浩敗績卒至遷徙

晉安帝義熙十四年八月癸酉鎮星入太微垣犯右
執法因留太微中積二百餘日乃去占曰鎮星守
太微亡君之戒有徙王其年十二月帝崩

晉恭帝元熙二年三月庚午鎮星犯太微占曰亡君
之戒是年六月帝遜于宋

漢隱帝乾祐三年六月乙卯司天監奏鎮星逆至太

徽左掖門外自元年八月十二日入太微西桓犯
上將屏呈執法句已往來至三年十一月十三日
方出左掖門順行今年正月十日復逆入東垣至
左掖門占曰大臣憂至七月丙子帝遣腹心賁詔
命澶州節度使李洪義誅謳密使郭威及宣徽使
王浚

太白犯太微

天文別錄曰太白入太微中大臣相殺其下國憂
劉向洪範傳曰太白入太微中宮門當閉大將被甲
邪臣伏誅

石申曰太白入太微凌犯留守有兵喪

司馬彪曰太白入太微大兵起入天廷太白出太微
宮內中有兵

荊州占曰太白入太微近臣起兵一曰人主自將兵
又曰廷尉丞相御史有黜者

武審曰太白以庚子日順入太微天廷中天子所使
者不以庚子入非天子所使一曰太白當太微門
爲受制當左右執法受事守太微門三日以下爲
受使三日以上爲賊爲亂

古今星釋曰太白逆行入太微垣留十日以上則王

者有憂兵起禁衛又曰天子自將兵

陳卓叙占曰太白不循軌守太微垣端門有光芒四出則有內亂亦曰宮中兵起

一行游儀後論曰太白變本色逆犯太微上次相則大臣受禍犯上次將則大將受刑犯左右執法則廷尉惡之犯守端門久而不去則群臣有匿謀犯守中坐則天下更政國祚將亡

京房外傳曰太白經天逆入太微垣留守二十日已上復成鈞已者不有亡國必有死君

大象旁通曰太白從左掖門入留二十日以上從右

掖門出復從右掖門入留舍二十日已上者王者
惡之有兵喪亦曰有白衣會

河圖遺書曰太白逆犯太微垣變色失行留舍七十
日已上則天子宫廷有變又曰有急兵入天子廷
王者惡之

海上通占曰太白牛太微端門出四角色青赤乍東
乍西乍南乍北則天子親戎服自將兵又曰臣下
叛謀有篡奪之禍若入端門近中座則其殃尤甚

漢昭帝元始中太白入太微西蕃第一星北出東蕃
第一星北東下去太微者天廷也行其中宮門當

閉大將被甲兵邪臣伏誅其後左將軍桀驃騎將
軍安謀亂伏誅

晉惠帝永寧元年七月太白守右掖門占曰爲兵爲
亂爲賊初齊王固定京都因留輔政遂專傲無君
二年四月成都河間檄長沙王又討之固又交戰
攻焚宮闕固兵敗夷城又殺其兄上將軍寔下二
十餘人

後漢安帝延光四年六月壬辰太白出太微占爲宮
中有兵四年三月帝巡狩至業崩閹后與兄顯中
常侍江京等不欲立太子保更徵諸王子擇所立

中黃門孫程王國玉康等十九人共合謀誅顯宗
等立保爲天子是爲孝順皇帝皆姦人彊臣狂亂
王室其於死生誅戮兵起宮中是其應

後漢靈帝建寧元年六月太白在西方入太微犯西
蕃南頭星太微廷也太白行其中宮門當閉大將
被甲兵太臣伏誅其八月太傅陳蕃大將軍竇武
欲謀盡誅宦者其九月辛亥中常侍曹節長樂五
官史朱瑀覺之矯制殺蕃武等家屬徙日南

晉懷帝永嘉六年丁卯太白犯太微占曰兵入天子
庭王者惡之七月帝崩于寇廷

晉元帝太興三年五月戊子太白入太微占曰天子
自將兵大臣憂求昌元年閏十二月帝崩

晉穆帝永和元年九月辛酉太白犯左執法是時桓
溫擅命朝臣多迫脅四月溫伐蜀破其峽柳軍十
二月慕容恪攻齊

晉惠帝大安二年七月太白守太微出上將占曰上
將以兵亡是年冬成都河間攻洛陽八月長沙王
奉帝出距二王二年正月東海王越執長沙王又
張方又殺之

後周宣帝大成元年九月丁酉太白入太微占曰有

兵十一月突厥寇邊圍酒泉殺掠吏民

唐太宗正觀十九年九月二十四日太微犯執法光
芒相及占曰大臣憂至十二月戊申侍中劉洎有
罪賜死

唐敬宗寶曆二年八月甲申夜太白去太微八寸所
十二月八日夜敬宗爲劉克明所殺立絳王樞密
使王守澄等殺絳王立文宗

後唐末帝清泰元年六月甲戌太白犯右執法占曰
執政大臣者憂至七月乙巳宰臣李愚劉煦因公
事於政事堂相詬辭甚鄙帝令樞密使劉延節宣

諭曰卿等輔弼之臣不宜如是今後不得更然辛
亥乃以太常卿盧文紀爲中書侍郎平章事

辰星犯太微

邾萌曰辰星見於太微宮天子當之一曰有內亂

陳卓曰辰星見於天庭大臣相殺

司馬彪曰辰星見於天庭後宮有憂一曰大水

邾萌曰辰星犯守右執法兵起當有赦

武密曰辰星入太微西門後宮災或有大水若入西
門出東門爲臣出命又爲兵喪水災

大象旁通曰辰星逆犯太微垣光芒變色則王者存

憂色青則天子憂歲饑百官乏食糴貴百倍色白則天子親非甲冑自將兵色黑則天子下殿色黃赤則大臣爭權

陳卓叙占曰辰星守太微垣西蕃則大臣有憂犯東蕃則大將受戮若辰星逆行失度出入不由端門則諸侯有謀天子者

海上通占曰辰星犯逆行天庭則大水入門百川皆溢溺傷禾稼糴貴十倍百姓饑人相食

河圖遺書曰辰星逆守太微端門不去五十日巳上姦邪在朝欲謀天子又曰蕭牆有變則星逆守端門

身法卷之三十一
一行游儀後論曰辰星逆犯太微垣出四角乍東乍
西乍南乍北近四輔則大臣坐法人君有憂

古今星釋曰辰星逆守太微左右掖門則國有兵憂
逆犯左右執法則廷尉受辱亦曰執法者受殃逆
守上相次相芒角相射則大臣有憂逆守上將次
將芒角相射則大將受刑逆守中坐則天下大亂
京房外傳曰辰星大明有光芒角四出逆犯太微東
蕃奄上相星則其國有逐相有光芒角四出逆犯
西蕃上將則其野有死將若光芒四出犯中座天
下大亂國祚將亡天子失位

客星犯太微

荊州占曰有客星黃白色入太微中天子以璧王喜
甘德曰客星出入端門其國有大憂出左掖門其國
旱出右掖門其國亂一曰客星出端門其國憂出
左掖門其國所祚不成出右掖門其國大亡出東
門其國臣有謀出西門其國有殃

天官書曰客星出天廷有奇令

陳卓曰客星出太微有兵喪

荊州占曰客星出天廷兵起動天下

郊萌曰客星入太微三十日不出必有赦若犯左右

執法執法者有罪

石申曰客星中犯乘守四輔星君臣失禮輔臣有誅者
武密曰客星入太微中色白而潤澤者有赦一曰客
星入太微中有兵賊守之十日不下其災在陽爲
男在陰爲女

古今星釋曰客星入太微垣留五十日已上則天廷
有姦謀欲傾覆宗社

大象旁通曰客星守端門色黃潤則以爵祿賜大臣
又曰守之十日不去則大臣受寵

陳卓叙占曰客星入太微垣犯左右掖門其國有兵

憂守上次相則大臣有異志守上次將則大將以
兵叛

河圖遺書曰客星大如杯色赤黃有芒角入太微垣
則朝廷有憂宗社有災客星大如椀有芒角四出
下東下西下南下北逆太微垣留五十日已上不
去者天下大亂國奔祀

一行游儀後論曰客星出赤角抵觸端門星則諸侯
不受制于天子亦曰彊臣挾天子以令諸侯

海上通占曰客星出青赤角干犯太微垣上相則弼
臣擅天子權禮樂征伐不自天子出犯上將則大

將不專職之誅又曰軍破將死

漢靈帝中平二年十月癸亥客星南門出中大如牛
筵五色喜怒稍小至後年六月消占為兵至六年
司隸校尉袁詔誅城中官大將軍部曲將吳臣等
攻殺車騎將軍何苗死者數千人

魏文帝黃初三年九月甲辰客星見太微左掖門內
占曰客星出太微國有兵喪十月帝南征孫權是
後累月有征役

魏文帝甘露四年十月丁丑客星見於太微中轉東南
行歷軫宿七日滅占曰客星出太微星有兵喪

景元元年高貴鄉公被害

晉安帝元興元年十月有客星色白如粉絮在太微
西至十二月二日入太微占曰兵入天子庭二年
十二月栢玄篡位放遷帝后於尋陽江以求安何
皇后爲零陵君三年劉裕盡誅栢氏

彗孛犯太微

天文錄曰彗星入太微天下易主

石申曰彗孛出太微宮中憂火災

荊州占曰彗孛犯左右執法執法者黜

甘德曰彗孛犯天廷王者有立

陳卓叙占曰彗孛犯天廷宗廟有兵

司馬彪曰彗孛犯太微爲兵喪

春秋合誠圖曰彗孛出太微天下亂

河圖遺書曰彗孛入太微光芒射端門天下有易主

亦曰有自立諸侯

古今星釋曰彗孛本出太微垣內末射端門外則有

內亂天子禁衛兵變彗本犯西蕃光芒指西蕃則

群臣交怨大臣有匿謀又曰有廢立之禍

陳卓叙占曰彗孛本出太微垣外光芒長二丈所射

左掖門則群臣爭權以兵相誅朝廷有變終棄祀

海上通占曰彗星光芒長數丈所廣數尺射太微端門光炆入犯輔星則天子惡之亦曰國有大喪

一行游儀後論曰彗星干犯上相則上相有憂犯次相大臣受禍犯大將則大將有殃犯次將則裨將惡之犯中坐則天下大亂有大喪又曰有白衣會京房外傳曰彗星出太微垣彗犯三公幸臣外指上將則上將輔臣大凶亦曰有逐相彗星出太微中對帝座王者惡之占曰彗除舊冥新又曰爲兵喪不有亡國必有死君

漢明帝永平十八年六月己未彗星出張長三尺轉

在郎將南入太微皆屬張張周地爲東都太微天子廷彗星犯之爲兵喪其八月壬子帝崩

魏少帝嘉平五年十一月彗星又見軫長五丈在太微垣左執法東西南指百九十日滅案占太微垣天子庭執法爲執政彗爲兵喪除舊寘新之象至正元元年二月李豐豐弟翼后父張緝等謀亂皆誅皇后亦廢九月廢帝爲齊王

晉安帝義熙十四年七月癸亥彗星出太微西柄起上相星下芒漸長至十餘丈進掃北斗紫微宮中台占曰彗出太微社稷亡天下易主入北斗紫微

帝宮空十四年劉裕還彭城受宋公十二月帝崩
宋文帝元嘉二十六年十月癸卯彗星見于太微至
二十八年正月丁卯魏文帝自瓜步退歸俘廣陵
居人萬餘家以北徐豫青冀兗等州殺略不可勝
筭所過州郡赤地無餘

宋文帝元嘉二十八年五月壬子彗星見太微中對
帝座至二十九年魏中常侍宗慶謀逆大武皇帝崩
後魏大武帝光和元年彗星入三台下東行入太微
至太子幸臣二十日乃消占曰天下易主中平六

年宮車晏駕

李星犯太微

黃帝曰李星犯太微有立王者一曰有徙王

陳卓曰李星犯太微后妃爲亂社稷憂

武密曰李星干犯太微有亂臣有喪大人惡之

河圖遺書曰李星干犯太微垣中與帝座相對光芒

炆若炬火然則有自立諸侯亦曰內有蕭牆之禍

古今星釋曰李星干犯西蕃上相奄星不見則有無

罪太臣坐法亦曰輔臣逐遠方星李干犯上將奄

星不見則其野有死將

海上通占曰星李干犯太微垣中與帝座相射炆光

若火炬然其下有異王立亦曰有自立諸侯

陳卓叙占曰星李出太微垣北東蕃則有陰謀逆上命者星李抵太微垣西蕃則百官有憂亦曰蕃衛有異謀

京房外傳曰星李直抵太微垣三公九卿星則人臣爭權又曰大臣擅天子柄

張平子通例曰星李抵太微垣左右執法芒角炆火焰隱隱有聲則執法者受戮星李抵上次相則大臣逐遠方抵觸上次將則大將軍以叛不成見誅

連家坐罪

一行游儀後論曰星孛太微垣環繞東西蕃抵觸不
已則天子禁衛有變亦曰有內兵起又曰天子無
出宮防蕭牆之禍

大象旁通占曰星孛觸端門星奄星不見則王者惡之
傳曰孛觸端門其下革命亦曰除舊寘新之象也

天文別錄曰星孛入太微犯中近七寸以內則天下
大亂亦曰天下易政

京房災異後序曰星孛干犯天庭則天子有憂色赤
黃則天子出奇令色青黑則天下大變連禍不已
百姓塗炭橫屍枕地白骨籍籍

後漢獻帝建安二十三年三月孛星晨見東方二十餘日夕出西方太微占曰除舊布新之象

魏明帝太和六年十一月丙寅有星孛于翼近太微上將星占曰爲兵喪甘氏曰孛彗所當之國受其殃翼爲楚分野孫權封略也明年權有遼東之敗次年諸葛亮入秦川孫權兵據江淮屯要衝權自圍新城以應之

晉武帝咸寧二年星孛太微至翼北斗三台占曰太微天子庭大人惡之一曰有改王翼又楚分野北斗主殺罰三台爲三公孛主兵喪征吳之役三河

徐袞之兵悉出交戰於吳楚之地吳丞相都督以下梟戮十數偏裨行陣之徒馘斬萬計皆其應也
晉成帝咸康六年二月星孛于太微占曰有喪大人
惡之七年三月杜后崩

晉恭帝元熙元年正月戊戌有星孛于太微西蕃占
曰革命之應其年朱有天下

隋煬帝大業十三年六月有星孛于太微五帝座色
黃赤長三四尺數日而滅占曰有亡國殺君明年
春宇文化及弑帝

流星孛犯太微

天文錄曰流星出太微大臣有外出事以所之野命
其方

石申曰流星出太微南門甚衆貴人有死者

荊州占曰流星縱橫行太微主弱臣彊四夷不制

甘德曰流星出太微天廷之門者天子之使也

武密曰流星入太微兵起外國當有急使期不出一

年一曰流星出端門天子之使各以其分命國

河圖遺書曰流星入太微垣有兵喪水旱不調又曰

使星入太微宮凶兵起

京房外傳曰流星抵太微宮天下大亂若有奇令

陳卓叙占曰流星出太微宮天子之使也色青言憂
色赤言兵色黃言土功天下勞役色白言義亦曰
有急兵色黑言大水皆以所之野命其國

大象旁通曰使星出天廷有空國徙王又曰奔星出
太微宮其國君出

一行游儀後論曰流星兩門出出入當有中使御命
視所適分野而論之不依門出入者外蕃國使也
星出則使出星入則使入

海上通占曰流星自端門出則天子遣中使達于四
方自其所適之也命其國若流星從端門入直抵

中坐則有姦使入境亦曰王者左右有姦臣

京房外傳曰流星抵大微左右執法星則廷尉將命
達于四方平野寃獄流星觸上相則姦謀陷大臣
星流觸上將則有刺殺將軍亦曰姦寇入營

張平子通例曰流星從右掖門入留三日却從右掖
門出則天子左右有姦邪謀及天子又曰群臣有
匿謀犯上

古今星釋曰流星出入端門中直抵中座反從端門
出則異域有姦使謀及天子亦曰匈奴入寇中原

侵王都

後漢光武建武十年三月癸卯流星入月從太微出入北斗魁第六星色白旁有小星射者十餘枚滅則有聲如雷食頃止流星爲貴使星大者使大星小者使小太微天子廷北斗魁主殺星從太微出抵北斗魁是天子大使將出有所殺伐是時光武使大司馬吳漢發南陽卒三萬人乘舟泝江而上繫蜀白帝公孫述

漢中元二年十月戊子大流星從太微西南東北行聲如雷占曰大流星爲使是時中郎將竇固楊震侯馬武揚鄉侯王賞將兵征西也

孝和帝永元元年正月癸亥有流星大如桃色赤起
太微東蕃二月壬申夜流星起太微東蕃長三丈
二年八月丁未有流星如雞子起太微西東南行
四丈所消太微天子廷流星出入之內有匿謀竇
憲女弟婚郭舉等出入宮門謀爲不軌事覺被誅
晉成帝咸康六年二月庚午朔有流星大如斗光耀
照地出天市西行入太微占曰大人當之八年六
月帝崩

宋文帝元嘉八年九月丙寅流星如斗大赤色發太
微西蕃北行抵北斗沒餘三丈許十年仇地氐寇

漢中梁州矣

後周宣帝大象元年四月癸丑有流星大如斗出太
微落如遺火是月遣使簡視京兆及諸州士民之
女克後宮突厥寇并州

後周宣帝大象三年五月甲辰有流星大如三斗器
出太微端門流入翼光照地有聲占曰有立王又
曰有徙王有失國君其月己酉帝崩劉昉矯以隋
公受遺制弼政終受命

雲氣犯太微

荊州占曰有青氣出太微不出九十日人君失其宮

黃氣曰青白氣入左右掖門天子有憂喪事出則無
咎若赤氣入東掖門則內兵起

荊州占曰赤氣出東西掖兵起將憂若赤氣如劍直
指太微廷天子有兵驚若赤黃色氣潤澤入太微
天子有劍喜

石申曰赤黃氣潤澤如帚入太微女主有憂

郊萌曰黃白雲氣入太微垣若其上有光人主喜延
年益壽若黃白氣出左右掖門天子出德令黃白
氣如杯椀大入太微天子有璧玉喜一曰幸臣獻
美女者黃白氣狀如數入太微天子用畜賜諸侯

若黑氣入左右掖門大臣有憂

武密曰蒼白氣入東西掖門天子憂喪事出則無咎
黃氣入太微天子有喜事赤氣入太微天子憂兵
事赤黑氣如交地如龍形入太微有喪亂出則無
咎

乾象通鑑卷第二十二

河間府免解進士 臣李季奉

聖旨編

太微垣前論

五帝座星論

太子星論

從官星論

幸臣星論

內屏星論

即位星論

五帝座星論

五帝座星統占

月五星犯五帝座

客星犯五帝座

彗孛犯五帝座

流星犯五帝座

雲氣犯五帝座

五帝座星統占

傳曰黃帝座在太微中含樞紐之神也天子動得天
度止得地意從容中道則太微五帝座明以光黃
帝座不明人主求賢士以輔法不然則奪勢四帝星
俠黃帝座東方蒼帝靈威仰之神也南方赤帝赤
熒怒之神也西方白帝招矩之神也北方黑帝叶
光紀之神也

甘德曰黃帝座明大則天子壽昌威令行微小則天
子不吉威令不行勢在臣下若帝座亡大人當之

荊州占曰黃帝座光明動大天子兵強若微小色青
黑天子軍破國亡

春秋合誠圖曰黃帝去廷後九十日兵起

考經授神契曰五帝座並設神靈集謀、

河圖遺書五帝座五星黃帝一星含樞紐之神東方
蒼帝一星靈威仰南方赤帝一星赤熛怒西方白
帝一星白招矩北方黑帝一星叶光紀五帝星並
設靈集謀者也

陳卓叙占曰王者禮樂彰明法度昭著天下治平及
天子心正則五帝光明齊一星不明則天子不安

四星亡則天下大亂黃帝星不明則天下革亦曰有
死君五星俱亡則中國無主天下大亂

大象旁通曰五帝星在太微垣中五帝星就聚則天
子用讒臣謀害忠良五帝星拆則天子失左右股肱
五帝星直天子勢奪大臣擅政

京房外傳曰五帝座中央黃帝星數搖動則人主好
出遊色青微者皆凶

海上通占天子德至于天則五帝座星則俱明若五
星俱動搖則天子不安色青白赤黑而微者天子

惡之

古今星釋曰五帝座星明大而俱出四角數動搖色青赤乍東乍西光耀他星則天子用心不正任使邪臣妬害國政國祚將止

又案嚴光傳光與帝臥足加帝腹上太史奏曰客星犯帝座甚急

建安十八年秋歲星鎮星熒惑俱入太微逆行留守帝座百餘日占曰歲三星守帝座人主改

建安二十三年三月孛星晨見東方二十餘日夕出西方犯微垣鋒炎指帝座占曰除舊布新之象

月五星犯五帝座

河圖帝覽嬉曰月出黃帝座北禍大出黃帝座南禍
小若近之大臣誅禍亂不成一曰天下大饑

石申曰月犯黃帝座大人憂

海中占曰月犯黃帝座有亂臣人主惡之

鄒萌曰月犯黃帝座臣子叛若月抵帝座有土功事
武密曰月犯黃帝座有赦

荊州占曰五星入帝座其色白者皆爲有赦若有犯
黃帝座者皆爲大亂若五星中有逆行入太微天
庭中皆爲諸侯將相戮至黃帝座者謀成不至黃
帝座而還者謀不成各以其日占國

黃帝占曰五星有守黃帝座者皆爲大人憂

雜書雜罪級曰熒惑太白入黃帝座有彊臣

郝萌曰歲星犯黃帝座有非其主者天下不安

荊州占曰歲星守黃帝座大臣憂

甘德曰熒惑入黃帝座大人戮死其廷有逆又曰熒

惑中黃帝座臣殺其主只犯黃帝座天下亂若觸

黃帝座主亡

荊州占曰熒惑入天庭至帝星有赦若黃帝座北諸

侯天子辱

雜書摘亡碎曰鎮星逆行守黃帝座亡君之戒

武容曰太白入黃帝座有兵在宮若抵帝座有大土功
黃帝曰月犯四帝座天下有喪

荊州占曰月犯四帝座諸侯有憂

陶隱居曰月暈帝座天子自將兵

武容曰月暈帝座有赦又曰來年起兵萊貴一曰貴
人死

甘德曰五星中犯乘守帝座天下止

石申曰五星中犯乘守四帝座臣謀主若去一尺外
事不成若歲星中犯乘守四帝座下迫上也

河圖遺書曰太白經天犯五帝座則天子下殿熒惑

與太白相從守五帝座是謂鑠金火鑠五帝座則
有更主不然社稷將傾則金火鑠五帝座

古今星釋曰五帝座有辰星相犯則天子憂兵喪一
曰大水傷禾稼一曰年饑

客星犯五帝座

荊州占曰客星舍五帝座聖君興治

石申曰有客星蒼白色抵帝星天子有喪憂抵旁座臣
有叛者若客星色赤而銳如劍天子以兵驚一曰
以火驚

荊州占曰客星黃白色大如拳抵帝星臣有獻美女者

陳卓叙占曰客星抵觸五帝座王暴驚宗室大亂王者修郊祀親奉宗廟大赦天下則消災又曰客星入五帝座天下道塞

河圖遺書曰客星入五帝座犯中座則人主有憂亦曰天子惡之

大象旁通曰客星色黃潤出五帝座天子出德令安天下若客星色赤抵中座則車騎滿野

一行游儀後論曰客星犯五帝座及乘守中坐大人當之一曰有大喪一曰大臣有叛者

古今星釋曰客星干犯乘守四座則天子失股肱乘

守中座及有芒角相犯射則天子憂兵禁衛兵起
又曰國有更王

張平子通例曰客星出五帝旁女主有謀又曰客星
守五帝座天憂國易政

天文別錄曰客星抵觸帝星則天子當之若色赤有
芒角則天下革命

京房外傳曰客星出四方角乍東乍西乍南乍北光
芒射帝座不見留舍十日已上不出者其國君暴
死亦曰人君受禍

海上通占曰客星大如椀色赤黃數搖動抵觸帝座

星則姦臣謀及天子一曰外國來侵邊境與內謀相通謀及天子

夏氏微言曰客星奄帝座一星不見期五年天下無主亦曰天下大亂

大象總論曰天子有明德百官率職以奉天子則五帝座星齊明而黃潤若客星變色乘守不去則天子失德百官有離心外寇四起天下大亂國將棄祀之兆

彗孛犯五帝座

天文錄曰彗星刺帝座兵起宮中亂

荊州占曰彗星如帚抵帝座兵起內亂

石申曰彗星如粉絮犯帝座兵喪並起

武密曰彗星干犯黃帝座者王者憂子孫不昌

河圖遺書曰彗入帝座星中則名人起兵相誅代天

下大亂

陳卓叙占曰彗孛干犯帝座天下有大喪亦曰白衣會

天文別錄曰彗星本近中央坐芒角炆外長可尋丈者主內變一曰宮中及天子廷有匿謀者

京房災異後序曰彗出北辰芒角抵端門則天子自將兵謀及天子一曰王者有兵憂

海上通占曰彗孛抵犯五帝座尾帚左右執法者則
彊臣擅兵柄謀及人君一曰有篡奪之禍

夏氏微言曰彗星抵五帝座則人君不道賞罰自臣
下出亦曰諸侯內侵不受制于天子

古今星釋曰星孛入五帝中座芒角相及則天子暴
驚期三年有大喪天子當之亦曰有白衣會

隋煬帝大業三年三月辛亥長星見西方竟天干犯
奎婁角亢而沒至九月辛未轉見南方色赤竟天入
于角亢頻掃太微帝座干犯列宿唯不及參井經
歲乃滅占曰去穢布新天所以去無道建有德

見父者災深星大者事大行遲者期遠兵大起國
大亂而亡餘災爲水患饑饉土功相仍其後築城
討吐谷渾及高麗兵戈歲駕略無寧息水旱饑饉
疾疫土功相仍而有郡盜並起邑落空虛九年五
月禮部尚書楊玄感於黎陽舉兵反

隋陽帝大業十三年六月有星孛于太微五帝座色
黃長三四尺所數日而滅占曰有亡國有殺君明
年三月字文化及等殺帝也

流星犯五帝座

武密曰流星犯五帝座大人憂若抵四星座輔臣執

政者憂人死多期三年

河圖遺書曰流星入五帝座中兵大起天子親戎服亦曰有暴兵起

夏氏微言曰流星入五帝座中期百日地震殺人後天子有兵驚失位

陳卓叙占曰流星入太微垣抵中座者天子惡之亦曰姦邪在大臣中又曰姦使入國欲謀及天子

古今星釋曰流星自端門入直抵五帝座色黃則天子誅外國使黃青赤黑則外國姦使有變謀色白則兵四起一曰禁衛兵變

天文別錄曰流星貫五帝座則天子憂兵喪亦曰人君失道憂外兵入寇

大象旁通曰流星奄黃帝星色赤則天子下殿亦曰國祚將亡則流星奄帝座

雲氣犯五帝座

荊州占曰蒼白氣抵帝座天子有喪事抵座旁臣有叛者青赤氣抵帝座近臣欲謀其君氣明者成氣不明者不成若赤氣狀如劔抵帝座天子諸侯有兵驚若黃氣出太子座入五帝座不出六十日太子即位若黃白氣潤澤入帝座天子有子孫喜

武密曰赤黑氣如交地及龍形入太微庭有白衣會
若赤氣出帝座經南門者不出九十日近臣有謀
若氣上赤下白大如井口從外入天庭者邪臣之
氣其氣直者貴臣之氣四帝座夾黃帝座

陶隱居曰帝座主天子之位星欲明天子太平星暗
帝位失

太子星論

太子星統占

月五星犯太子星

客星犯太子星

彗孛犯太子星

流星犯太子星

雲氣犯太子星

太子星統占

傳曰太子一星在帝座此太子帝儲也

天文錄曰太子帝儲也星明則吉昌暗則絕嗣

武密曰儲有德則其星明潤又曰太子仁賢則日重

暈月重輪

大象旁通曰太子星色青黑或星微者太子將廢一

曰饒廢被逐又曰君儲繫獄

河圖遺書曰太子星明大而有芒四出乍東乍西則

太子不德有匿謀謀及天子

古今星釋曰帝儲昌盛子孫衆多則太子星明而黃

潤若星暗及星亡則國嗣不立

海上通占曰太子星數動搖及有光芒則繼序不皇
人君將棄祀

月五星犯太子星

大象占曰熒惑犯太子星則太子廢黜不則幽囚受辱
河圖遺書曰月犯太子星則君儲不昌一曰國祚將
亡則月逆行犯太子星

天文別錄曰太白逆行失度犯太子星則太子有陰
謀有篡奪之禍

天文總論曰太白經天犯太子星則兵起東宮太子

自立

京房外傳曰太白出角逆行守太子星則後宮有異
謀一曰東宮受禍

古今星釋曰太白與辰星相從守太子星則天子自
將兵一曰東宮有暴兵起

京房災異後序曰歲星逆犯太子星則君儲廢立一
曰東宮有憂

陳卓叙占曰鎮星逆入太微守太子星則天子憂後
宮有異謀一曰後宮有憂

一行游儀後論曰儲星與熒惑相近七寸內光芒相

射數動搖則東宮有火災太子憂兵

夏氏微言曰月暈太子星再重則天子有妖言害國
政一曰太子擅天子柄

客星犯太子星

天文別錄曰客星蒼白色犯太子星則東宮有憂一
曰太子親戎服又曰東宮有兵驚

河圖遺書曰客星大如桮蒼白色犯太子星則君儲
失德擅君父之權一曰太子不德外通姦謀

古今星釋曰客星大如斗器色青黑出四角數動搖
干犯太子星則君嗣不昌失臣子禮一曰太子廢立

陳卓叙占曰客星干犯太子星掩星不見則國嗣不繼一曰繼序不皇太子惡之

京房外傳曰客星變色直抵觸太子星東宮有暴兵一曰客星入太微與太子星抵觸者則其野將棄祀張平子通例曰國嗣絕滅則太白犯太子星數搖動則太子好田獵出遊天下憂兵災

夏氏微言曰客星凌犯太子星則東宮變太子以事則坐廢

彗孛犯太子星

天文別錄曰彗星凌犯太子星則國祚將亾君嗣不立

天文占曰彗星掃太子星則君儲不德失天下必光
芒可二丈所則太子被廢以事敗坐廢

河圖遺書曰彗星凌犯太子星則芒角炆若炬火掃
太子星不見君儲不廢則死一曰國祀將棄則彗

掃君儲

古今星釋曰彗星孛太子星則芒角奄太子星不見
則繼序失道一曰國將無主孛奄太子星

陳卓叙占曰孛星凌犯太子星光奄久之不見則後
宮有憂一曰東宮坐廢外通姦

大象旁通曰彗星本在太微端門內光掃太子星不

見占曰除舊寘新太子惡之一曰君嗣不昌國將無主則彗入端門掃太子星

夏氏微言曰星自左掖門入抵太子星光奄星不見久之則皇嗣死天子憂一曰東宮有火災

流星犯太子星

天文別錄曰流星從端門入抵太子星則東宮受賜束帛若流星從太子旁出從端門則君儲出宮一曰太子親政事

河圖遺書曰流星不由正門入抵觸太子星則太子被讒坐廢一曰太子惡之

古今星釋曰流星經右執法歷三公九卿犯太子星則百官受制于太子一曰太子與百官通匿謀

大象旁通曰流星掩太子星則外姦以讒謀及君儲一曰太子無罪坐廢

海上通占曰流星掃太子星則國君無嗣一曰後宮爭寵東宮失勢

雲氣犯太子星

武密曰黃雲氣入太子星座太子喜黑雲氣入太子座太子憂

河圖遺書曰黃雲氣由端門歷五帝座旁盤覆太子

星上不奄星光則天子受禪與太子一曰太子親
政事

古今星釋曰有黑氣繚繞太子旁不奄星則殃淺奄
則太子有憂一曰東宮失德則黑氣蔽太子星

從官星論

從官星統占

月五星犯從官星

客星犯從官星

彗孛犯從官星

流星犯從官星

雲氣犯從官星

從官星統占

傳曰從官一星在太子星西北從官侍臣也又曰在

幸臣西占不見帝安

天文錄曰從官侍衛之臣也星微明而黃潤則吉明大有芒角則大臣擅權

鼠密曰從官侍從之臣占以不見為不安寧不為禍
河圖遺書曰從官一星在太微垣中太子西北星欲微明而黃潤不欲明大而有芒角微明為常得常則吉明大為變遇變則凶占曰侍臣被黜則從官星亡

古今星釋曰從官星乃天子侍從之臣也光浮而數動則人臣擅權專恣不禮人君失上下之分

大象旁通曰從官明大出四角則臣逼君一曰人臣有奪主之威

月五星犯從官星

天文別錄日月犯從官星則大臣不贊治出度授政不自人君一曰人臣專恣則月犯從官星

河圖遺書曰月暈從官星則侍臣有憂或曰坐以事敗一曰侍臣受辱

古今星釋曰熒惑犯從官星則臣逼君一曰臣奪主柄太白犯從官星侍臣將自親甲冑辰星犯從官星則臣下有離心歲星守從官星則天子以高爵

賜從臣鎮星犯從官星則天子與土功

陳卓叙占曰熒惑成巳勾犯從官星則從臣合謀有廢立之禍太白經天乘守從官則輔臣竊天子柄有震主威

大衆旁通曰太白從辰星凌從官星留舍十日已上期一年從臣有陰謀以事坐法連家被逐

夏氏微言曰歲星乘守從官星則留舍其旁五十日不去者則大臣失勢一曰人臣有憂

客星犯從官星

天文別錄曰客星干犯抵從官星主大臣有憂一曰

侍從死

陳卓叙占曰客星抵觸從官星則八座惡之亦曰有
被黜從臣

夏氏微言曰客星大如杯椀凌犯乘守從官星不去
及五十日以上者大臣以通外姦事敗坐法亦曰
輔臣受誅

古今星釋曰客星赤黃有芒角抵觸從官星則侍臣
惡之若客星奄從官星不見及五十日則天子左
右失賢佐

大象旁通曰從官星與客星俱有芒角相射光浮數

動搖則從官通外姦匿謀欲及天子謀不成則客星微小謀成則從官星大二星俱大則其殃尤甚河圖遺書曰客星光芒微青黑凌犯從官星則大臣受辱一曰有獄死從官

張平子通例曰客星守從官星留舍七十日不去者有受寵侍臣有憂一曰幸臣惡之

彗孛犯從官星

天文別錄曰彗孛干犯從官星權臣有誅者亦曰輔臣當之

天文總占曰彗本在太微垣中犯從官星光芒炘外

則侍臣受戮亦曰幸臣有憂

古今星釋曰彗星掃從官星則人臣失職以事坐法
河圖遺書曰星孛太微從官旁則天子不安失輔臣
流星犯從官星

天文別錄曰流星干犯從官星則侍臣失天子寵一
曰有失職被黜侍臣

古今星釋曰流星干犯從官星則侍臣有憂以事敗
坐法

大象旁通曰流星出從官旁經端門而出則侍臣受
命出強使于四方若流星由端門直抵從官星則

侍臣通外姦生貶

雲氣犯從官星

天文別錄曰有蒼白雲氣犯從官星則侍臣有失職受辱者有黃氣入從官星則天子有美祿賜侍臣一曰天子以來帛予侍臣

古今星釋曰有黑雲氣奄從官星則天子失侍從亦曰侍臣不黜即死有赤黃氣犯從官星則從官專恣不受制于人君終以事敗之象

幸臣星論

幸臣星統占

月五星犯幸臣星

客星犯幸臣星

彗孛犯幸臣星

流星犯幸臣星

雲氣犯幸臣星

幸臣統占

傳曰幸臣一星在帝座東北太子幸臣也

陶隱居曰幸臣者主親愛之官常侍太子占以不明
爲吉明盛爲咎

古今星釋曰幸臣一星受天子寵光之臣又爲天子
親愛之臣侍從天子左右之官也一曰爲太子幸
臣星明大則臣奪主勢星亾則幸臣失推星微明
則吉

河圖遺書曰幸臣呈出四角則寵臣侵主權明大數
動推則寵臣有匿謀

大象旁通曰幸臣光芒出怒角乍東乍西則寵臣與
權臣爭妬害國政一曰臣下不和則幸臣出怒角
陳卓叙占曰幸臣徒則天子用便佞一曰邪臣受寵賚
月五星犯幸臣星

天文別錄曰月暈幸臣光奄星不見則人臣受天子
寵月暈太微白虹貫幸臣則幸臣失勢坐法

河圖遺書曰月逆行失度犯幸臣則天子親愛之臣
以事敗坐法者

天文總占曰歲星守幸臣相去七寸內是謂歲星親幸臣則人臣受寵賜天子親愛之象

古今星釋曰熒惑凌犯幸臣則寵臣被黜不然幸臣死太白犯幸臣則天下以兵摧委親愛人臣

客星犯幸臣星

天文別錄曰客星犯幸臣由端門及左右掖者天子親愛之臣受天子爵祿若客星不由端門入直抵幸臣星旁留舍不去及五十日則姦臣通外姦臣以事敗坐法

河圖遺書曰客星赤黃色出四角抵觸幸臣星則天

子以高爵厚祿賜佞人一曰天子親信小人

彗孛犯幸臣星

天文別錄曰彗星如粉絮掃幸臣星則天子失親信人臣一曰天子有憂

河圖遺書曰彗星掃太微中座光奄幸臣不見則天寵臣受辱一曰有坐法幸臣不然下獄

古今星釋曰星孛太微垣幸臣旁與幸臣芒角相接乍東乍西動搖不止則朝廷群臣以兵相誅有亡國之禍

流星犯幸臣星

天文別錄曰流星抵觸幸臣星則天子親愛之臣受辱不然幽囚繫獄

古今星釋曰流星自端門入抵幸臣則天子用幸臣以干時政天下怨謗流毒天下失四海心亡國之象河圖遺書曰流星長可數丈炆若炬火入不由門直抵觸幸臣則幸臣失天子心一曰勢奪臣死

雲氣犯幸臣星

荊州占曰有赤青色出五帝下入幸臣中不出六十日近臣謀君氣不明者不成若明者亂

海上通占曰黑雲氣出太微中奄幸臣星則天子寵

臣有憂亦曰失勢有蒼白雲氣奄幸臣不見則權
臣受戮以兵敗坐誅有黃雲氣盤覆太微中覆幸
臣上則近臣受天子錫賜一曰天子以珠玉賜幸臣
內屏星論

內屏星統占

月五星犯內屏星

客星犯內屏星

彗孛犯內屏星

流星犯內屏星

雲氣犯內屏星

內屏星統占

傳曰內屏四星在端門之內近右執法屏所以壅蔽
帝廷也執法主刺舉臣下尊敬君上則星光明潤澤

星讚曰內屏星執法主刺舉

陶隱居曰內屏星主壘蔽殿廷爲天子蕃屏明則君有禮主執法

武密曰內屏星光明潤澤則君臣有禮不然則反是石申曰內屏星明則天下法令平允不明則法令訛舛天文別錄曰內屏星則天子失藩屏之臣一曰輔臣不敬君上若星坼則人君不道天下法令滋彰萬民胥怨寃及忠良

古今星釋曰內屏四星主天下屏翰之臣也四星均明黃潤光澤則天子儀衛嚴肅屏翰皆良臣法令

均平天下無冤枉之獄一星亡則天下有冤獄二
星亡則近臣有逆謀三星亡則禁衛兵叛謀及天
子四星俱亡則天子下殿四方兵起強弱相凌

月五星犯內屏星

天文錄曰月五星犯乘守內屏星者皆為君臣失禮
而輔臣有免罷者

郝萌曰熒惑太白有入太微至屏星而留皆為有兵
在中

河圖遺書曰月犯內屏星則不君不臣尊卑失禮一
曰禮法俱廢

大象彙通曰太白經天由端門近中座乘守內屏星則近臣被黜不然有坐法大臣

陳卓叙占曰熒惑逆行乘守內屏星則君臣失禮執政者被逐辰星與歲星相從乘守屏星則權臣失位不然則死

古今星釋曰太白凌犯內屏星則執法者非其人一曰刺舉者非其人

海上通占曰歲星犯左執法入守內屏星則近臣受辱一曰執法者濫法加忠良

漢靈帝光和五年四月熒惑守屏占為亂臣是時中

常侍趙忠張讓郭勝孫璋等並為姦亂

晉穆帝永和元年六月辛丑日入太微犯內屏西南
星占曰輔臣有弑罷者

客星犯內屏星

天文別錄曰客星干犯內屏星則執法者不以公心
刺舉之臣非其人若客星大如杯色赤黃有芒角
奄屏星不見則近臣受辱

河圖遺書曰客星色白干犯內屏星則姦寇入天子
廷禁衛有兵起色青黑干犯內屏星則外姦謀及
天子

古今星釋曰客星色赤黃出四角乍東乍西干犯內屏星則天子近臣有匿謀一曰執法者以事敗坐法

彗孛犯內屏星

天文別錄曰彗星干犯內屏星天子惡之一曰近臣有憂一曰法令臣有被誅者

河圖遺書曰彗星如粉絮掃內屏星則執法者受戮天子有憂虞

古今星釋曰彗本出內屏星旁芒角氐端門外則近臣死天子禁衛有叛謀

流星犯內屏星

武密曰流星干犯內屏星尚書有憂一曰大臣被黜
陳卓叙占曰流星干犯內屏星執法者通外姦坐法
一曰近臣失職不然被誅

古今星釋曰流星自端門入犯內屏星則大臣失勢
藩翰之臣有憂

大象旁通曰流星出內屏星旁則近臣不以公心刺

舉姦宄

古蒲切外
盜內究

忠良受濫刑

雲氣犯內屏星

天文別錄曰黃氣入內屏星則侍臣受天子錫賜有
蒼白氣入內屏星禁衛兵氣有赤氣入內屏星執

法者高下其手天下有冤獄

河圖遺書曰有黑氣入內屏星則執法者受戮不然
逐遠方

卽位星論

卽位星統占 月五星犯卽位星

客星犯卽位星 彗孛犯卽位星

流星犯卽位星 雲氣犯卽位星

卽位星統占

傳曰卽位十五星在帝座東北一曰依烏卽府也周
官之元士漢官之光祿中散諫議卽三署卽中是

其職也卽主衛守也其星不具后妃死幸臣誅星
明大及客星入之大臣爲亂

天文錄曰卽位今之尚書

大象占曰卽位星欲明大均耀光潤澤有常則吉慶
河圖遺書曰卽位十五星一星不具則衛士失職三
星亡則卽官死十五星皆亡則禦守之臣有離心
天子失左右輔弼之臣

古今星釋曰卽位星坼則幸臣有憂星就聚則守禦
有虞外姦入天子逃一曰大臣有匿謀

月五星犯卽位星

武密曰熒惑守卽位王者忌之國有兵喪

古今星釋曰太白守卽位則大人有憂國有喪一曰
大臣受辱以事敗坐法連家

大象旁通曰辰星犯卽位則近臣以兵敗禁衛失職
姦宄入天子廷

陳卓叙占曰太白經天守卽位則近臣當之藩翰之
臣有匿謀謀及天子

海上通占曰月犯卽位則刺舉之官非其人執法者
不以公心

客星犯卽位星

黃帝曰客星入卽位大臣亂一曰元士憂

荆州占曰蒼白黑客星出卽位卽官多死

古今星釋曰客星入卽位中則大臣有逆謀一日近

衛起兵防內亂

海上通占曰客星大如杯色蒼白犯卽位則大臣受辱執法者以事敗受刑一曰廷尉以不法坐誅

彗孛犯卽位星

春秋運斗樞曰彗孛狂矢出卽位卽官謀叛

陳卓叙占曰彗孛星干犯卽位卽官失勢

河圖遺書曰彗孛干犯卽位則卽官失職一曰近臣

有異志

古今星釋曰彗孛干犯郎位星則天子失輔弼臣一
日以不公濫刑坐誅大臣

流星犯郎位星

天文別錄曰流星出郎位中則有郎官受命出疆使
于四方流星入郎位則有外姦謀妬良輔弼

古今星釋曰流星抵觸郎位星則近臣有出囚受辱
者不然近臣下獄一曰枉法及無辜

雲氣犯郎位星

荊州占曰蒼白氣入郎位中即爲亂出則咎淺赤氣

入即位中兵起黃白氣潤澤入即位中即受賜黑
氣入即位中即多死

大彖旁通曰黑氣奄即位星俱不見則近臣有憂不
然有死喪有黃氣入即位中則天子以美祿賜郎

官